




DISPUT

73

ETRE AR MARO

HAC AN DEN YAOUANQ.



AR MARO.

CHETE me erru, va mignon,
Da ober did renta ræzon
Demeus da vuez tremenet;
Scuis eo Doue eus da velet.

AN DEN YAOUANQ.

Aotrou Doue, piou eo emàn
A zo deut qen disonch amàn!
Va speret a zo oll troublet
Gant epouvant eus e glêvet.

AR MARO.

Petra leverès, va mignon?

Les da spont, ha cont da ræzon:

Ha ne vouies-te qet erfat

E teujen abred pe divezad?

AN DEN YAOUANQ.

Allaz siouaz! ne vouien qet

E cleach donet qen abret;

Me sonje din, pa voan dispos,

Ne varvjen qen e vijen cos.

AR MARO.

Mes alies e poa clêvet

Ne meus biscoas den espernet;

Hac e cleàn an oll falc'had,

Cos ha yaouanb eus a bep oad.

AN DEN YAOUANQ.

Allas siouaz! en joa ar bed

E voa va speret ocupet;

Em yaouanqis voa va fianç,

Hac em mignonet va esperanç.

AR MARO.

Penos, den sot hac aveurtet,

Ne voas-te qet avertisset

Da reformi da voel vue,
Pa ne voas get sur a un de?

AN DEN YAOUANQ.

Allas! me vel on faziet;
Mar plich guenêch c'hoas depordet:
Roit din ur blavez termen,
Ma rin qen mervel pinijen.

AR MARO.

Penos e fel dide ober
Pinijen e qen ber amzer,
Pa na heus grêt bete vremàn,
Ha te pel zo var ar bed-màn?

AN DEN YAOUANQ.

Me bromet deoc'h, a dra certain,
E rin promptamant pinijen
Da repari va yaouanqis,
Ma roit din termen ur mis.

AR MARO.

Bet avoalc'h ec'h euz-te amzer,
Ma carjes ober da zever;
Mes ne alles pelloc'h apel:
Erru an heur, red eo mervel.

AN DEN YAOUANQ.

Pa n'en deo get ho polante
 Va lêzel qeit-se en bue,
 Mar plich guenêc'h, da vianàn,
 Un devez choas a c'houlennàn.

AR MARO.

Ha-ça! bremàn paciantet,
 Erru an heur, ret eo monet;
 Rac se-ta sonch e coël vue,
 Ret eo monet dirac Doue.

AN DEN YAOUANQ.

Penos eta, mervel zo ret
 A greiz va nerz ha va yec'het!
 Penos quitât va desseniou,
 Va joa, va c'herent, va madou?

AR MARO.

Divead out bremâ da ouela,
 Homàn eo da heur diveza:
 E zan da rei did an tol mortel,
 En heur-mâ e renqes mervel.

AN DEN YAOUANQ

E c'houlen sicour digant e guerent ha mignonet.
 O va c'herent ha mignonet,

En han' Doue va sicouret ;
 Scòet oun gantàn d'ar inaro ,
 Dent d'am sicour , hastit a fo.

AR BREUDEUR.

Evit bremàn ne allomp qet ,
 Beza on eus affer bresset ;
 Pa retornimp , ni a velo.
 N'oc'h eus qet a façon varo:

AR MARO.

Guel , den sot ha den aveurtet ,
 Petra respont da vignonet ;
 Avou bremàn , den diavis ,
 Peguer trompus ê yaouanqis.

AN DEN YAOUANQ.

Guir a leret : me zo trompèt
 Gant yaouanqis ha mignonet ;
 Bremàn me ro deze mallos ;
 D'am oll malheur ez int bet cos.

AN DEN YAOUANQ.

E'choulen sicour digant Doue hac ar Verc'hes.

Me ho supli , ô va Jesus ,
 Ha c'hui , Guerc'hes , mam druezus ;
 Me o ped , dre o madelez ,

D'am sicour c'hoas, me, peç'her qèz.

AN AOTROU DOUE.

Penos ec'h eus an assuranç;
 Da c'houlen ouzomb asistanc?
 Bepret out bet hon adversour;
 Peura ve demp - ni da sicour?

AN DEN YAOUANQ

E c'houlen sicour digant ar Sent.

O Sent, mignonet da Zoue,
 O pet truez eus va ene!
 Gant an oll oun abandonet;
 En han' Doue va sicouret!

AR SENT.

Penos ec'h eus an ardisson
 Da c'houlen hor protection?
 Ne c'heus qet miret hor goeliou,
 N'hac imitet hor vertuziou.

AN DEN YAOUANQ

E c'houlen sicour digant e Æl mad.

O va Æl mad, ô va den qer,
 Va gardien e peb amzer;
 M'ho ped va sicourit bremâ,
 Em necessite diveza.

AN ÆL.

Qement a allen ameus grêt
 Bete vremen en da andret;
 Poent e zeo din d'abandoni,
 Pa ne c'heus qet sentet ouzin.

AN DEN YAOUANQ.

Me vel erfad ê tremenet
 Va amzer da veza sicouret;
 Bevet emeus en libertin,
 Doue a rent justiç erfin.

Em maro em diles Doue,
 Pan boan dilêzed em bue;
 Rezistet meus de oll graçou,
 Hac em refus em goulennou.

AN DEN YAOUANQ.

E quitaat e guerent hac e vignonet.

Dilezet oun en abandon;
 N'en deus mui evidon pardon.
 Adieu qerent ha mignonet,
 Adieu bed fall ha milliguet.

AN DEN YAOUANQ.

E quitaat joaüstet ar bed-màn.
 Adieu grandeur ha bombançou,

Henoriou ven ha triomphou ;
 Adieu d'an traou eus an douar ;
 Adieu d'an ên , adieu de c'hloar .

Mallos dar vam , mallos d'an tad
 A zo bet ouzin qen ingrat .
 M'o deus grêt din coll va ene ,
 D'am beza lezet em liberte .

E zàn da veza enterret
 En ifern gant an dud daonet ,
 Da lesqi ebars er flamou ,
 Da james gant an diaoulou .

A possibl ve , ô va Doue ,
 E serfac'h ouzomb dor an eê !
 Obtenit demp , ô va Zalver !
 Eur plaç en ho cloar eternal .

F I N .

E MONTROULEZ , e ti LÉDAN , e ru ar Vur .